

佛
藏
輯
要

25

巴蜀書社

第二十五册

佛藏輯要

周紹良題



新學
社
PDG

目錄

重刻古尊宿語錄序

八一

卷一

南嶽大慧行狀

二

馬祖大寂行狀

三

百丈懷海語錄

五

卷二

百丈懷海語錄之餘

一四

黃檗斷際語錄

二三

卷三

黃檗斷際宛陵錄

二七

卷四

臨濟慧照語錄

三九

卷五

臨濟慧照語錄之餘

五三

興化語錄

五八

卷六

睦州語錄

六一

卷七

汝州南院語要

七三

風穴語錄

七六

卷八

汝州首山念語錄

七九

卷九

石門山慈照鳳嚴集

九二

卷十

汾陽昭語錄

一〇三

承天嵩語錄	一〇八
卷十一	
慈明語錄	一一四
卷十二	
南泉普願語錄	一二二
子湖山神力語錄	一三〇
卷十三	
趙州真際語錄并行狀	一三五
卷十四	
趙州真際語錄之餘	一四八
卷十五	
雲門匡真廣錄	一六三
卷十六	
雲門匡真廣錄	一七九

卷十七

雲門匡真廣錄

一九二

卷十八

雲門匡真廣錄

二〇三

卷十九

楊岐會語錄

二二一

道吾真語要

二二六

卷二十

海會演語錄

二三二

卷二十一

海會演語錄之餘

二四六

卷二十二

演語錄之餘

二五八

卷二十三

葉縣省語錄

二七一

卷二十四

神鼎誣語錄

二八五

卷二十五

大愚芝語錄

二九四

卷二十六

法華舉語要

三〇四

卷二十七

龍門佛眼語錄

三一四

卷二十八

龍門佛眼語錄

三二五

卷二十九

龍門佛眼語錄

三三七

卷三十

龍門佛眼語錄

三五—

卷三十一

龍門佛眼語錄

三六五

卷三十二

龍門佛眼語錄

三七五

卷三十三

龍門佛眼語錄

三八七

卷三十四

龍門佛眼語錄

三九八

卷三十五

大隨神照語錄

四一四

卷三十六

投子語錄

四二三

卷三十七

鼓山神晏法常玄要廣集

四三二

卷三十八

洞山初語錄

四四六

卷三十九

智門祚語錄

四六一

卷四十

雲峰悅語錄

四八〇

卷四十一

雲峰悅語錄

四八三

卷四十二

寶峰雲庵真淨語錄

四九四

卷四十三

寶峰雲庵真淨語錄

五一二

卷四十四

寶峰雲庵真淨語錄

五二九

卷四十五

寶峰雲庵真淨語錄

五三九

卷四十六

琅琊覺語錄

五六四

卷四十七

東林 雲門頌古

五八二

卷四十八

佛照奏對錄

六〇六

卷四十九

六一

卷五十

六二

卷五十一

六三

卷五十二

六四

趙山轉學老常玄受觀錄

六五

重刻古尊宿語錄序

過去如是如是見在如是如是未來如是如是幸自
可憐生無端黃面老漢拈花瞬目金色頭陀忍俊脫
頤不覺漏泄一人傳虛萬人傳實何時而已哉人根
有利鈍故機語有開飲鍼砭藥餌實有賴起縱橫展
拓太虛不痕雖古人用過時無古今家路活行亦棋
活著觀照激發如龍得水故曰言語載道之器雖佛
祖不得而廢也七佛偈及西天此土三十三傳枝出
派別莫知其幾授受證據洎夫抑揚示晦見於傳燈
而多有載不盡者往往散落異時有願藏主者傍蒐

序一

廣採僅得南泉而下二十二家示眾機語厥後又得
雲門真淨佛眼佛照等數家總曰古尊宿語非止乎
此也據其所搜採而言耳夫古人得親故用親行到
故說到其所說者如國家兵器不得已而用之從上
爲人只貴眼正是豈末流刻楮畫花雕蚶鏤蛤瞎學
者眼所可同日語覺心居士出善女倫秉列丈夫志
操不爲富貴所障世相所磨者淨名衣坐空生室安
住正受動靜提撕是孰使之然哉謂願所編古尊宿
語刊于閨中而板亦漫矣兩浙叢林得之惟艱勇捐
己資錢梓流通命願納精校重楷不鄙索序噫亦異

序一

矣昔月上女抗舍利弗發明大涅槃庵提遮對曼殊
室利不生生不死死之義達磨來震旦以後其間善
女等倫橫機諸大老發明向上者多矣近世泰國計
氏與夫空室道人皆以鐘鼎家世而爲般若眷屬今
覺心則發揮古宿機語以遺佛種無二無二分無別
無斷故覺心魏氏紹興丞相文節公孫余文昌之室
先瑩住林庵虛席命慈林解無言者搗解催請主庵
人覺心著語云庵主只在庵中爲甚麼不見道有又
無道無却有又不近又不遠舉頭鷄子過新羅參得
着喫粥麤餘偈語多有皆不計較而得則日用中無

二

非禪悅法喜之樂矣併見于此嘗

聖宋咸淳丁卯春清明日江浙等處明州府阿育王
山廣利禪寺住持沙門物初大觀序唐宋諸禪師傳
佛心宗道大德備室中無示勘辨學者徵拈代別皆
有機語流布寰中久矣惟傳燈一書嘗賜入藏諸師
之語傳燈不能備載者有願公藏主別集南泉趙州
黃檗臨濟雲門真淨佛眼東山二十餘家總若干卷
題之曰古尊宿語實有補於宗門

古尊宿語錄卷第一

大鑑下一世

南嶽大慧禪師諱懷讓金州人也俗姓杜於儀鳳二年四月八日降誕感白氣應於玄象在安康之分太史瞻見遂奏聞高宗皇帝帝乃問何祥瑞太史對曰國之法器不染世榮帝傳敕金州太守韓偓親往存慰其家家有三子惟師最小年始三歲炳然殊異性惟恩讓父乃安名懷讓至年十歲惟樂佛書時有三藏玄靜過舍見而奇之告其父母曰此子若出家必獲上乘廣度衆生至垂拱三年方十五歲辭親往荆

微

卷一

一

州玉泉寺依弘景律師出家通天二年受戒後習毗尼藏一日自歎曰夫出家者爲無爲法天上人間無有勝者時同學坦然知師志氣高邁勸師同謁高山安禪師安啓發之乃直詣曹谿禮六祖六祖問什麼處來師云嵩山安和尚處來祖云什麼物與麼來師無語遂經八載忽然有省乃白祖云某甲有箇會處祖云作麼生師云說似一物卽不中祖云還假修證也無師云修證卽不無汚染卽不得祖云只此不汚染是諸佛之護念汝既如是吾亦如是西天二十七祖般若多羅識汝曰震目雖闊無別路要假兒孫脚

下行金鷄解街一粒粟供養什邡羅漢僧又謙傳心裏能藏事說向漢江濱湖波探水月將照二三人祖

云先師有言從吾向後勿傳此衣但以法傳若傳此衣命如懸絲惟示道化聽吾偈曰心地含諸種普雨悉皆萌頓悟華情已菩提果自成汝向後出一馬駒踏殺天下人應在汝心不須速說師侍奉一十五載唐先天二年始往南嶽居般若寺示徒云一切萬法皆從心生心無所生法無能住若達心地所作無礙非遇上根宜慎辭哉僧問如鏡鑄像像成後光歸何處師云如大德未出家時相狀向什麼處去僧云成

微

卷一

二

後爲什麼不鑑照師云雖然不鑑照謾他一點不得馬祖居南嶽傳法院獨處一庵唯習坐禪凡有來訪者都不顧師往彼亦不顧師觀其神宇有異遂憶六祖識乃多方而誘導之一日將輓於庵前磨馬祖亦不顧時既久乃問曰作什麼師云磨作鏡馬祖云磨輓豈得成鏡師云磨輓既不成鏡坐禪豈能成佛祖乃離座云如何卽是師云譬牛駕車車若不行打牛卽是打車卽是又云汝學坐禪爲學坐佛若學坐禪禪非坐卧若學坐佛佛非定相於無住法不應取捨汝若坐佛卽是殺佛若執坐相非達其理馬祖問斯

示誨豁然開悟禮拜問云如何用心卽合無相三昧
師云汝學心地法門如下種子我說法要譬彼天澤
汝緣合故當見其道馬祖云道非色相云何能見師
云心地法眼能見乎道無相三昧亦復然矣祖云有
成壞否師云若以成壞聚散而見道者非也聽吾偈
曰心地含諸種遇澤悉皆萌三昧華無相何壞復何
成馬祖一蒙開悟心地超然待奉十秋日益深奧師
入室弟子六人各印可曰汝等六人同證吾身各契
其一人得吾眉善威儀常一人得吾眼善顧盼智
一人得吾耳善聽理慧一人得吾鼻善知氣神一人

藏通

古尊錄卷一

三

得吾舌善談說藏一人得吾心善古今道後馬祖闢
化於江西開元寺師問眾曰道一爲眾說法否眾曰
已爲眾說法師云未見通箇消息來遂遣一僧去囑
云待伊上堂時但問作麼生記取答話來僧如教迴
舉似師馬祖云自從胡亂後三十年不曾少鹽醬師
然之師天寶三年八月十一日示寂於南嶽敕諡大
慧禪師最勝輪之塔吏部侍郎歸登撰塔記

大鑑下二世

馬祖大寂禪師諱道一漢州什邡人也俗姓馬氏
江西法嗣布於天下時號馬祖焉問如何是修道師

云道不屬修若言修得修成還壞卽同聲聞若言不
修卽同凡夫云作何見解卽得達道云自性本來具
足但於善惡事上不滯喚作修道人取善捨惡觀空
入定卽屬造作更若向外馳求轉疎轉遠但盡三界
心量一念妄想卽是三界生死根本但無一念卽除
生死根本卽得法王無上珍寶無量劫來凡夫妄想
諂曲邪僞我慢貢高合爲一體故經云但以眾法合
成此身起時唯法起滅時唯法滅此法起時不言我
起滅時不言我滅前念後念中念念念不相待念念
寂滅喚作海印三昧攝一切法如百千異流同歸大

藏通

古尊錄卷一

四

海都名海水住於一味卽攝眾味住於大海卽混諸
流如人在大海中浴卽用一切水所以聲聞悟迷凡
夫迷悟聲聞不知聖心本無地位因果階級心量妄
想修因證果住其空定入萬劫二萬劫雖卽已悟却
迷諸菩薩觀如地獄苦沉空滯寂不見佛性若是上
根眾生忽遇善知識指示言下領會更不歷於階級
地位頓悟本性故經云凡夫有反覆心而聲聞無也
對迷說悟本既無迷悟亦不立一切眾生從無量劫
來不出法性三昧長在法性三昧中著衣喫飯言談
祇對六根運用一切施爲盡是法性不解返源隨名

逐相迷情妄起造種種業若能一念返照全體聖心汝等諸人各達自心莫記吾語縱饒說得河沙道理其心亦不增總說不得其心亦不減說得亦是汝心說不得亦是汝心乃至分身放光現十八變不如還我死灰來淋過死灰無力喻聲聞妄修因證果未淋過死灰有力喻菩薩道業純熟諸惡不染若說如來權教三藏河沙劫說不可盡猶如鉤鎖亦不斷絕若悟聖心總無餘事久立珍重

上堂龐居士問不與萬法爲侶者是什麼人師云待汝一口喻盡西江水卽向汝道又問不昧本來身請

文淵

卷一

五

師高著眼師直下覷士云一等沒弦琴唯師彈得妙師直上覷士禮拜師歸方丈居士隨後云適來弄巧成拙問如何是佛師云卽心是佛問離四句絕百非請師直指西來意師云我今日無心汝去西堂問取智藏僧至西堂問西堂以手指頭云我今日頭痛不能爲汝說得汝去問海兄僧去問海兄海兄云我到者裏却不會僧回舉似師師云藏頭白海頭黑師採藤次見水潦便作放勢水潦近前接師卽便踏倒水潦起來呵呵大咲云無量妙義百十三昧盡在一毛頭上識得根源去師令僧馳書與徑山欽和尚書

中畫一圓相徑山纔開見索筆於中著一點後有僧舉似忠國師國師云欽師猶被馬師惑問和尚爲甚麼說卽心卽佛師曰爲止小兒啼曰啼止時如何師曰非心非佛曰除此二種人來如何指示師曰向伊道不是物曰忽遇其中人來時如何師曰且教伊體會大道問如何是西來意師曰卽今是甚麼意師問僧什麼處來云湖南來師云東湖水滿也未云未師云許多時雨水尚未滿道吾云滿也雲巖云滿清湖洞山云什麼劫中曾欠少又問如水無筋骨能勝萬斛舟此理如何師曰這裏無水亦無舟說甚麼筋骨一夕西堂百丈南泉隨侍

文淵

卷一

六

既月次師問正恁麼時如何堂曰正好供養丈曰正好修行泉拂袖便行師曰經歸藏禪歸海唯有普願獨超物外師問百丈汝以何法示人丈豎起拂子師曰祇這箇爲當別有丈拋下拂子僧問如何得合道師曰我早不合道問如何是西來意師便打曰我若不打汝諸方笑我也有小師耽源行脚回於師前畫一圓相就上拜了立師曰汝莫欲作佛否曰某甲不解捏目師曰吾不如汝小師不對有講僧來問曰未審禪宗傳持何法師却問曰座主傳持何法主曰未講得經論二十餘本師曰莫是師子兒否王曰不敢

師作噓噓聲主曰此是法師曰是甚麼法王曰師子出窟法師乃默然主曰此亦是法師曰是甚麼法王曰師子在窟法師曰出不入是甚麼法王無對代云遂辭出門師召曰座主主回首師曰是甚麼主亦無對師曰這鈍根阿師洪州廉使問曰譬酒肉卽是不喫卽是師曰若喫是中丞祿不喫是中丞福師入室弟子一百三十九人各爲一方宗主轉化無窮師於貞元四年正月中登建昌石門山於林中經行見洞壑平坦謂侍者曰吾之朽質當於來月歸茲地矣言訖而回旣而示疾院主問和尚近日尊候如何

史記

卷一百一

七

師曰日面佛月面佛二月一日沐浴踰跌入滅元和
中諡大寂禪師塔名大莊嚴

大鑑下三世

百丈懷海禪師福州長樂人也師參馬大師爲侍者
檀越每送齋飯來師繞樹開盤蓋馬大師拈起一片
胡餅示眾云是甚麼每日如此師經三年一日隨侍
馬祖路行次聞野鴨聲馬祖云什麼聲師云野鴨聲
良久馬祖云適來聲向什麼處去師云飛過去馬祖
迴頭將師鼻便擗師作痛聲馬祖云又道飛過去師
於言下有省卻歸侍者寮哀哀大哭同事問曰汝悲

父母耶師曰無曰被人罵耶師曰無曰哭作甚麼師
曰我鼻孔被大師擗得痛不徹同事曰有甚因緣不
契師曰汝問取和尚去同事問大師曰海侍者有何
因緣不契在寮中哭告和尚爲某甲說大師曰是伊
會也汝自問取他同事歸寮曰和尚道汝會也教我
自問汝師乃呵呵大笑同事曰適來哭如今爲甚卻
笑師曰適來哭如今笑同事固然明日馬祖昇堂纔
坐師出來卷卻簞馬祖便下座師隨至方丈馬祖云
適來要舉轉因緣你爲什麼卷卻簞師曰爲某甲鼻
頭痛馬祖云你什麼處去來師云昨日偶有出入不

史記

卷一百一

八

及參隨馬祖喝一喝師便出去馬祖一日問師什麼
處來師云山後來祖云還逢著一人麼師云不逢著
祖云爲什麼不逢著師云若逢著卽舉似和尚祖云
什麼處得者箇消息來師云某甲罪過祖云却是老
僧罪過師再參馬祖祖豎起拂子師云卽此用離此
用祖挂拂子於舊處良久祖云你已後開兩片皮將
何爲人師遂取拂子豎起祖云卽此用離此用師亦
挂拂子於舊處祖便喝師直得三日耳聾後住洪州
大雄山以居處巖巒峻極故號百丈旣處之未朞月
參玄之賓四方響至嵩山黃檗當其首一日師謂衆

白佛法不_通事老僧背號馬大師一喝直得三日耳聾黃檗聞聲不覺吐舌師曰子已後莫承嗣馬祖去麼檗曰不然今日因和尚舉得見馬祖大機大用然且不識馬祖若嗣馬祖已後豈我兒孫師曰如是如是見與師齊滅師半德見過於師方堪傳授子甚有超師之見檗便禮拜因僧問西堂有問有答卽且置無問無答時如何堂曰怕爛卻那師問舉乃曰從來疑這箇老兄曰請和尚道師曰一合相不可得師謂衆曰有一人夫不喫飯不道饑有一人終日喫飯不道飽衆無對堂嚴問和尚每日區區爲阿誰師曰

法門

卷之三

九

有一人愛嚴曰因甚麼不教伊自作師曰他無家法僧問抱璞投師請師一決師云昨夜南山虎咬大蟲云不繆真詮爲甚麼不垂方便師云掩耳偷鈴漢云不得中郎鑑還同野舍薪師便打僧云蒼天蒼天師云得與麼多口云罕遇知音拂袖便出師云百丈今日輸卻一半佛鑑云雖得一場至晚侍者問和尚被這僧不肯佛別却一睡是便休師便打者云蒼天蒼天師云罕遇知音者作禮師云一狀領過有一僧哭入法堂師云作什麼僧云父母俱喪請師揀日師云明日一時埋卻問如何是奇特事師云獨坐大雄峯僧禮拜師便

打西堂問師你向後作麼生開示於人師以手卷舒兩邊堂云更作麼生師以手點頭三下上堂云靈光獨耀迴脫根塵體露真常不拘文字心性無染本自圓成但離妄緣卽如如佛問依經解義三世佛冤離經一字如同魔說時如何師云固守勅師三世佛冤此外別求如同魔說馬祖令人馳書并樹三號與師師令排何法堂前乃上堂衆纔集師以拄杖指臂羗云道得卽不打破道不得卽打破衆無語師便打破歸方丈上堂衆纔集師以拄杖赴下却召大衆大衆回頭師

法門

卷之三

十

云是什麼爲山問仰山百丈再參馬祖野拂因緣此二尊宿意旨如何仰山云此是顯大機大用爲山云馬祖出八十四人善知識幾人得大機幾人得大用仰山云百丈得大機黃檗得大用餘者盡是唱道之師爲山云如是如是師因普請開田回問運柴開田不易衆云衆僧作務師云有煩道用衆云爭敢對勞師云問得多少田衆作鋤田勢師便喝衆掩耳而出師問黃檗甚處來衆云山下採菌子來師云山下有一虎子汝還見麼衆便作虎聲師於腋下取斧作斫勢衆約住便掌師至晚上堂云大衆山下有一虎

子汝等諸人出入好看老僧今朝親遭一口後瀉山問仰山云黃檗虎話作麼生仰山云和尚如何瀉山云百丈當時便合一斧斫殺因什麼到如此仰山云不然瀉山云子又作麼生仰山云不唯騎虎頭亦解把虎尾瀉山云寂子甚有險崖之句師每日上堂堂有一老人聽法隨眾散去一日不去師乃問立者何人老人云某甲於過去迦葉佛時曾住此山有學人問大修行底人還落因果也無對云不落因果墮在野狐身今請和尚代一轉語師云汝但問老人便問大修行底人還落因果也無師云不昧因果老人於

楞嚴經

卷一

十二

言下大悟告辭師云某甲已免野狐身住在山後乞依亡僧燒送師令維那白槌告眾齋後普請送亡僧大眾不能詳至晚參師舉前因緣次黃檗便問古人錯對一轉語落在野狐身今人轉轉不錯是如何師云近前來向汝道黃檗近前打師一掌師云將謂胡嶺赤更有赤嶺胡時瀉山在會下作典座司馬頭陀舉野狐話問典座作麼生典座以手撼門扇三下司馬云太纍生典座云佛法不是者箇道理後瀉山舉黃檗問野狐話問仰山仰山云黃檗常用此機瀉山云汝道天生得從人得仰山云亦是稟受師承亦是

自宗通瀉山云如是如是黃檗問從上古人以何法施人師良久黃檗云後代兒孫將何傳授師云將謂你者漢是箇人便歸方丈師與瀉山作務次師問有火也無瀉山云有師云在什麼處瀉山把一莖柴吹過與師師接云如蟲蝕木因普請鋤地次有僧聞鼓聲眾起鋤頭大咲歸去師云俊哉此是觀音入理之門後喚其僧問你今日見甚道理云某甲早晨未喫粥聞鼓聲歸喫飯師呵呵大笑問如何是佛師云汝是阿誰云某甲師云汝識某甲否云分明箇師豎起拂子問汝見拂子否云見師更不管師令僧去章敬

楞嚴經

卷一

十三

處見伊上堂說法你便展開坐具禮拜起將一隻鞋以袖拂却上塵倒頭覆下其僧到章敬一依師旨章敬云老僧罪過

廣錄夫語須辯辯縉素須識總別語須識了義不了義教語了義教辯清不了義教辯濁說穢法邊垢揀凡說淨法邊垢揀聖從九部教說向前眾生無眼須假人雕琢若於聲俗人前說直須教渠出家持戒修禪學慧若是過量俗人亦不得向他與麼說如維摩詰傳大士等類若於沙門前說他沙門已受白四羯磨訖具足全是戒定慧力更向他與麼說名非時語說